



12 დეკემბერი, 2024 წ.

## ბრძანება N 01-02/209

### 2024-2025 სასწავლო წლისათვის ავთანდილ ბარათაშვილის სახელობის სტიპენდიის მოსაპოვებლად კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2018 წლის 07 ნოემბრის N02 გადაწყვეტილების საფუძველზე

#### ვ ბ რ ძ ა ნ ე ბ:

1. გამოცხადდეს კონკურსი 2024-2025 სასწავლო წლისათვის ავთანდილ ბარათაშვილის სახელობის სტიპენდიის მოსაპოვებლად ბსუ-ს საბაკალავრო, მედიცინის მიმართულებით ერთსაფეხურიანი, დაწყებითი განათლების მასწავლებლის მომზადების ინტეგრირებულ საბაკალავრო - სამაგისტრო და ასევე სამაგისტრო საგანმანათლებლო პროგრამების სტუდენტებისათვის (სულ 8 პირისათვის).
2. კონკურსში მონაწილეობის მიზნით კონკურსანტებმა 2024 წლის 15 დეკემბრიდან 26 დეკემბრის 17:00 საათის ჩათვლით, ბსუ-ს სტუდენტური პორტალის საშუალებით (წერილი კანცელარიას, რექტორის სახელზე) უნდა წარმოადგინონ:
  - ა) სტუდენტის განცხადება კონკურსში მონაწილეობის შესახებ და ავტობიოგრაფია - CV, (შედგენილი წინამდებარე ბრძანების N1 დანართის შესაბამისად);
  - ბ) საკონკურსო დოკუმენტაცია (წინამდებარე ბრძანების N2 დანართის შესაბამისად);
  - გ) სტუდენტის პირადობის მოწმობის ასლი;
  - დ) სოციალურად დაუცველ პირთა ერთიან ბაზაში სტუდენტის რეგისტრაციის დამადასტურებელი ცნობა (გაცემული უფლებამოსილი სამსახურის მიერ, კანონმდებლობით დადგენილი წესით, საკონკურსო დოკუმენტაციის წარმოდგენის ვადის ამოწურვამდე 2 თვის ვადაში);
  - ე) ცნობა სტუდენტის სტატუსისა და აკადემიური მოსწრების შესახებ („საშუალო შეწონილი“ ფორმულით კონკურსის გამოცხადებამდე, წინა სემესტრებში, მიღებული 71 ქულის და მეტის მითითებით);
  - ვ) არანაკლებ ერთი რეკომენდაცია, ბსუ-ს იმ აკადემიური თანამდებობის პირისაგან, რომელიც კარგად იცნობს სტუდენტის აკადემიურ აქტივობას;
  - ზ) სტუდენტის მიერ გამოქვეყნებული ნაშრომის/პულიკაციის დედანი ან დამოწმებულ ასლი (ასეთის არსებობის შემთხვევაში);
  - თ) სამეცნიერო ღონისძიებაში (კონფერენცია, სემინარი, სიმპოზიუმი და სხვ.) მონაწილეობის დამადასტურებელი დიპლომის, სიგელის, სერტიფიკატის და სხვ. დედანი ან ნოტარიულად დამოწმებული ასლი (ასეთის არსებობის შემთხვევაში).

3. საკონკურსო კომისიის მიერ საკონკურსო დოკუმენტაცია არ განიხილება (კონკურსანტი არ შეფასდება და მოიხსება კონკურსიდან) შემდეგ შემთხვევებში:
- ა) თუკი კონკურსანტის მიერ წარმოდგენილი დოკუმენტაცია არასრულყოფილია;
  - ბ) თუკი კონკურსანტის წარმოდგენილი დოკუმენტი არ არის შესაბამისი ფორმის დაცვით შედგენილი (ხელმოწერა, ბეჭედი, ნოტარიული დამოწმება და ა.შ.);
  - გ) სოციალურად დაუცველ პირთა ერთიან ბაზაში კონკურსანტის რეგისტრაციის დამადასტურებელი ცნობა არ არის წარმოდგენილი, ან საკონკურსო დოკუმენტაციის წარმოდგენისას, ცნობის გაცემიდან გასულია 2 თვე;
  - დ) კონკურსანტს შეჩერებული/შეწყვეტილი აქვს ბსუ-ს სტუდენტის სტატუსი;
  - ე) კონკურსანტი აკადემიური დავალიანების მქონე სტუდენტია ან შესრულებული აქვს შესაბამისი საგანმანათლებლო პროგრამების მოთხოვნები (მინიჭებული აქვს კვალიფიკაცია).
4. კონკურსი ჩატარდეს 2024 წლის 29 დეკემბრიდან 30 დეკემბრის ჩათვლით.
5. კონკურსში გამარჯვებულ სტუდენტებს სტიპენდია დაენიშნოთ 2025 წლის 06 იანვრის შემდეგ.
6. დაევალოს სასწავლო პროცესის დეპარტამენტს წინამდებარე ბრძანების შესახებ ბსუ-ს სტუდენტების სტუდენტური პორტალის მეშვეობით ინფორმირება.
7. ბრძანება განთავსდეს ბსუ-ს ფაკულტეტების საინფორმაციო დაფებსა და ვებგვერდზე (ველში „კონკურსები“, „ფაკულტეტის სიახლეები“).
8. ბრძანება დაეგზავნოს ბსუ-ს რექტორის მოადგილეებს, ხარისხის უზრუნველყოფის სამსახურს, ფაკულტეტებს, სასწავლო პროცესის დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს.
9. ბრძანება ამოქმედდეს ხელმოწერისთანავე.
10. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, ს. ზუბალაშვილის ქ. №30).

რექტორის მოვალეობის შემსრულებელი,  
პროფესორი



მ. ხალვაში

„2024-2025 სასწავლო წლისათვის ავთანდილ ბარათაშვილის სახელობის სტიპენდიის მოსაპოვებლად კონკურსის გამოცხადების შესახებ“

ბსუ-ს რექტორის 2024 წლის 12 დეკემბრის № 01-02/209 ბრძანების

დანართი N1

ბსუ-ს სტუდენტის განცხადება  
ავთანდილ ბარათაშვილის სტიპენდიის მოპოვების მიზნით კონკურსში  
მონაწილეობის შესახებ და ავტობიოგრაფია (CV)

1.	სტუდენტის სახელი, გვარი, პირადი ნომერი	
2.	დაბადების თარიღი (რიცხვი, თვე, წელი)	
3.	ფაკულტეტი	
4.	სწავლების საფეხური	
5.	საგანმანათლებლო პროგრამა:	
6.	მიმდინარე სასწავლო წელი (კურსი)	
7.	ფაქტობრივი საცხოვრებელი ადგილი/	
8.	რეგისტრაციის ადგილი (მისამართი):	
9.	ელექტრონული ფოსტა:	
10.	ტელეფონი	

გავეცანი და ვეთანხმები ავთანდილ ბარათაშვილის სახელობის სტიპენდიების დანიშვნისა და გაცემის წესს, მსურს მონაწილეობა მივიღო გამოცხადებულ კონკურსში და წარმოგიდგინო შემდეგ ინფორმაციას:

პუბლიკაციების რაოდენობა: \_\_\_\_\_, მათ შორის საერთაშორისო სამეცნიერო ჟურნალში \_\_\_\_\_, \_\_\_\_\_ (ასეთი ინფორმაციის არსებობის შემთხვევაში).

პუბლიკაციების ჩამონათვალი:

№	პუბლიკაციის დასახელება	გამომცემლობა და გამოცემის წელი	პუბლიკაციის სახე (სტატია და სხვა)	თანაავტორი/ხელმძღვანელი (ასეთის არსებობის შემთხვევაში)
1				
2				
3				

სამეცნიერო ღონისძიებებში მონაწილეობა:

№	წელი	ღონისძიების დასახელება	ღონისძიებაზე კონკურსანტის აქტივობა (მოხსენების	ღონისძიების ჩატარების ადგილი

			სათაური და სხვა)	
1				
2				
3				

წინამდებარე განცხადებასთან ერთად წარმოგიდგენთ შემდეგ საკონკურსო დოკუმენტაციას:

- 1) პირადობის მოწმობის ასლი;
- 2) ცნობა სტუდენტის სტატუსის/აკადემიური მოსწრების შესახებ.;
- 3) სტუდენტის ავტობიოგრაფია (CV);
- 4) სოციალურად დაუცველ პირთა ერთიან ბაზაში რეგისტრაციის დამადასტურებელი ცნობა;
- 5) გამოქვეყნებული ნაშრომების/პუბლიკაციის ასლები ---- ფურცელი;
- 6) სარეკომენდაციო წერილი;
- 7) სამეცნიერო ღონისძიებებში მონაწილეობის დამადასტურებელი დიპლომი, სიგელი, სერტიფიკატი და სხვ. დედანი / ნოტარიულად დამოწმებულ ასლი ---- ფურცელი; (ასეთის არსებობის შემთხვევაში);

ვადასტურებ, რომ ჩემ მიერ მოწოდებული ინფორმაცია/დოკუმენტაცია ზუსტია და არ შეიცავს ყალბ/არასწორ მონაცემებს. ამასთანავე, თანხმობას ვაცხადებ: ა) ბსუ-მ დაამუშაოს ჩემი პერსონალური მონაცემები გამოცხადებული კონკურსისა და კონკურსის ჩატარების წესის მოთხოვნათა აღსრულების მიზნით; ბ) ნებისმიერ დროს გადაამოწმოს მოწოდებული ინფორმაციის სიზუსტე/ნამდვილობა; გ) შევასრულო ავთანდილ ბარათაშვილის სახელობის სტიპენდიების დანიშვნისა და გაცემის წესის მოთხოვნები.

კონკურსანტის ხელმოწერა:

თარიღი:

„2024-2025 სასწავლო წლისათვის ავთანდილ ბარათაშვილის სახელობის სტიპენდიის მოსაპოვებლად კონკურსის გამოცხადების შესახებ“

ბსუ-ს რექტორის 2024 წლის 12 დეკემბრის N 01-02/2024 ბრძანების

დანართი N2

საკონკურსო დოკუმენტაციის ნუსხა

	საკონკურსო დოკუმენტები	ეგზემპლართა რაოდენობა	დოკუმენტის ნოტარიული დამოწმების ვალდებულება
1	სტუდენტის ავტობიოგრაფია (CV);	1	არ არის სავალდებულო ნოტარიულად დამოწმება
2	სამეცნიერო კონფერენციის, სემინარის, სიმპოზიუმის და სხვ. ღონისძიებებში მონაწილეობის დამადასტურებელი დიპლომ(ებ)ის, სიგელ(ებ)ის, სექტიფიკატ(ებ)ის და სხვ. ასლ(ებ)ი (ასეთის არსებობის შემთხვევაში)	1	სავალდებულოა ნოტარიულად დამოწმება
3	პირადობის მოწმობის ასლი	1	არ არის სავალდებულო ნოტარიულად დამოწმება
4	ცნობა სტუდენტის სტატუსის და აკადემიური მოსწრების შესახებ	1	არ არის სავალდებულო ნოტარიულად დამოწმება
5	გამოქვეყნებული ნაშრომ(ებ)ის/პუბლიკაციების ასლები (გამოქვეყნების ადგილის მონაცემების მითითებით)	1	არ არის სავალდებულო ნოტარიულად დამოწმება
6	სარეკომენდაციო წერილი	1	არ არის სავალდებულო ნოტარიულად დამოწმება
7	სოციალურად დაუცველ პირთა ერთიან ბაზაში რეგისტრაციის დამადასტურებელი ცნობა, გაცემული შესაბამისი სამსახურის მიერ, საკონკურსო დოკუმენტაციის წარმოდგენის ვადის ამოწურვამდე 2 თვის ვადაში	1	არ არის სავალდებულო ნოტარიულად დამოწმება

შენიშვნა: მე-2 და მე-5 გრაფაში აღნიშნული დოკუმენტების დამოწმება შესაძლებელია შესაბამისი საუნივერსიტეტო სტრუქტურული ერთეულის მიერ, თუკი სამეცნიერო კონფერენცია ღონისძიება ჩატარდა ბსუ-ში, ხოლო დოკუმენტის დედნის წარმოდგენის შემთხვევაში, არ არის სავალდებულო მისი ნოტარიულად დამოწმება (სტუდენტური პორტალის საშუალებით დოკუმენტების მიღების შემთხვევაში, კონკურსანტს შესაძლებელია მოეთხოვოს შესაბამისი დოკუმენტის დედნის წარმოდგენა, კონკურსის დასრულებისა და რექტორის სამართლებრივი აქტის გამოცემის შემდეგ, სტუდენტს, მისი მოთხოვნის შემთხვევაში დაუბრუნდება წარმოდგენილი დოკუმენტების დედნები).